



## 討債是一款罪過

根據一項最近上新的研究報告，講全球每年浪費食物的價值，大概有 4,000 億美金。若準講全球每年會當減少 2 成到 5 成食物的浪費，就會佇 2030 年進前節省 1,200 到 3,000 億美金（大約 3.8 到 9.4 兆新臺票）。

幾年前，網路面頂捌流傳一个佇德國發生的故事，予真濟人擲讚。講有一團華人的旅行團去到德國的一个都市，接受個在地同胞的招待，因為是佇他鄉相拄，招待特別親切，魚魚肉肉叫規桌，誠豐沛。逐個攞食甲飽閣脹，就是食袂落去矣，桌頂的菜嘛猶賸欲一半。佇個結數煞咧欲離開的時，看著一个『oo-ba-sang』佇櫃台咧和服務人員大細聲，手指頭仔閣指對個彼桌的桌頂。個煞予服務人員叫倒轉去，共個講個菜叫傷濟是毋著的，愛受處罰。個想講個點的菜攞有納錢，欲食毋食啥人管會著，當然嘛不服。

結果飯店的服務人員隨擲電話起來敲，真緊就有一位官員到位，共個開一張 50 Mark 的罰單，閣講：「需要食佻濟就點佻濟！雖然錢是恁家己的，毋過資源是全人類的，世界上有真濟人猶欠缺食物，恁無應該嘛無理由浪費！」在地的主人隨時繳罰金，閣共人會失禮。有人講這個網路的故事無定著毋是真的，毋過咱攞有看過當今德國總理『梅克爾』佇中國所表現出來的節省儉惜略的精神，敢無值得咱學習？

英國的反浪費組織最近的報告嘛講，全球每年所生產的食物大約有三份一是浪費掉的。個指出講：「拍損食物是全球性的問題。」根據聯合國糧食與農業組織（FAO）表示：干焦去予全球上發達的國家所浪費的食物，就會當飼飽全球欲倚 8 億 7,000 萬枵飢失頓的人。

無論是食物抑是所有的資源，攞是全人類所共有的，咱攞需要珍惜。若是烏白討債，顛倒是一種罪過，這就是咱做人的基本道理。

作者：陳憲國

### ☆詞彙學習☆

- |                                  |                                    |
|----------------------------------|------------------------------------|
| 【討債】thó-tsè：浪費之意                 | 【脹】tiunn：吃得過飽造成腸胃不適。               |
| 【罪過】tsuē-kò：指犯罪行為。               | 【oo-ba-sang】：歐巴桑，對不特定年長女性的稱呼（外來詞）。 |
| 【擲讚】tshih tsán：按讚，表示贊同。          | 【惜略】sioh-liòh：珍惜物資之情。              |
| 【豐沛】phong-phài：豐盛。               | 【枵飢失頓】iau-ki-sit-tng：指因缺乏食物而三餐不繼。  |
| 【魚魚肉肉】hî-hî-bah-bah：指魚大肉，表示非常豐盛。 |                                    |

### ☆文法學習☆

- 【三份一】：在閩南語中，講分數可省略「之」字。例如國語的「三分之一」，閩南語可寫成「三份一」，念成「sann hūn tsit」，此時用「份」字，音讀為「hūn」，而「一」要念成「tsit」。